



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annotationes des hoech-||geleerten vnd Christlichen
doctoers Hiero-||nymi Emßers saeligen, vber Luthers new
Testa-||ment**

Emser, Hieronymus

Coellen, 1528

VD16 E 1091

Aus de[m] xvi. capitel

urn:nbn:de:hbz:466:1-35734

Aus der Roemer

Am end diß capitels/do Luter spricht/bue dich vor falschen glosen/so hie erticht seyn vō vil lerern/solt er gesagt haben nicht von vill lerern/sond von falschen lerern/ als er einer ist/dan vil Christenlichē lerer/dise wort recht glosirt haben/so Luters glosen an allen orten stolpern/vnd vol giffts sein.

Aus dem. xii. Capitel.

In dem funfften para. do ym text stebet. **M**ūc igitur proficiscar in Hierusalez ministrare sanctis/dolmatschet Luther. **A**u aber far ich hing Jerusalem meynen dienst dartzu stellen den heiligen/ aber dz wortlin ministrare heyst hie nicht schlecht dienen/sond reichen vnd gebē/dā yn **P**aulus eyn stew: mitbracht auß kriechen land/die er vnd sie aufteilen / vnd eym yeden nach seiner notturfft da vō geben wolt/wie d text so bald hernach sagt. Luther schempt sich so gar offentlich tzu machen/das die Apostel auch gelt genōmen haben. **D**an seiner meinūg nach sollen die geistlichen kein gelt nemen/sonder alle dinck vñ sust thon/wie er in seinē buchlin/ von dē falsch genanten geistlichen stand geschryben/vnd ich in meynem/ von dem falschen Ecclesiasten bestendiglich verlegt hab.

Aus dē. xvi. capitel

In dem andn parag. dartzu Luther gesetzt

Vorred uber der

hat/das ist wyß allerley menschen leer gesagt,
ist dise gloß ouch erlogen, wie oben in dem letz
ten paragrapho der vorred vber disse Epistell
klerlich beweist ist.

Auß die oerste Epistell zu
den Corinthern

Vorred

Das Luther dysse Epistel auff dye
vorigen cōtinuieren wil, vñ spricht
wie Paulus in der Epistel zu den
Roemern vō glauben vnd werke
geschriben hab fast ordentlich. **A**
ber yn dyß orsten zu den Corinthern/richte er
mancherley sache aus/die darauß entsprunge
sein/ist so bald falsch vnd vnbestendig/dan die
weil die vorig Epistel zu den Roemern oerst
nach dyß geschriben worden/vnnd dysse edler
dan ybene, wie kan dan dise auß yener entspru
gen sein. Das aber die zu den Roemern in cor
pore canonis dyß furgeschoben worden/ist ge
schehen zum teil vñ d̄ wirdikz willen deren an
dy sie geschriebē/zum tayl vmb der hohen ding
willen die do selbist gehandelt werden/ als vō
d̄ gnad Gotes. Item von seiner beruffung pre
destination od̄ vorsehenheit vnd andern tieffen
vnd vnerforschlichen stucken.

Aber die oerste Epistel zu den Corinthern
hat Paulus geschriben/ do ym in Asia gesagt

R ij